



PUSAT MEDIASI NASIONAL

**CONSELHO DE IMPRENSA
TIMOR-LESTE**

NOTA ENTENDIMENTU

ENTRE

PUSAT MEDIASI NASIONAL

HO

CONSELHO DE IMPRENSA DE TIMOR-LESTE

NÚMERU: M021/PMN-CITL/III/2019

NÚMERU: NE01/CI-PMN/III/2019

**KONA-BA FORTALESIMENTU INSTITUSIONAL NO DEZENVOLVEMENTU
REKURSU UMANU LIUHOSI MEDIASAUN**

Ohin, Tersa-Feira, loron 12 fulan Marsu tinan 2019, iha Edifisiu Pusat Mediasi Nasional iha Gedung Adi Puri, Wisma Subud, iha Rua. RS. Fatmawati, Nú. 52, Jakarta Selatan 12430, DKI Jakarta, Indonesia, ami ne'ebé mak asina tuir mai:

1. Diretor Ezekutivu Pusat Mediasi Nasional, **Ahmad Fahmi Shahab**, iha parte ida ne'e hodi naran **PUSAT MEDIASI NASIONAL (PMN)** ho enderesu Gedung Adi Puri, Wisma Subud, iha Rua. RS. Fatmawati, Nú. 52, Jakarta Selatan 12430, DKI Jakarta, Indonesia, no tuir mai hanesan **PARTE DAHULUK**;
2. Prezidente Conselho de Imprensa de Timor-Leste, **Virgílio da Silva Guterres**, iha parte ida ne'e hodi naran **Conselho de Imprensa de Timor-Leste** ho enderesu Avenida Bispo de Medeiros, Quintal Boot, Dili, Timor-Leste, tuir mai hanesan **PARTE DARUAK**.

PARTE DAHULUK no **PARTE DARUAK**, ne'ebé tuir mai sei bolu nu'udar **PARTE SIRA**, uluk liu sei esklarese pontus sira tuir mai:

- a. Katak, **PARTE DAHLUK** nu'udar instituisaun ida ne'ebé profisionál no independente ho nia vizaun atu promove mediasaun iha Indonézia.. PMN hetan akreditasaun husi *Mahkamah Agung RI* (Tribunal Supremo, iha Timor-Leste ekivale ho Tribunal

Rekursu), to'o ohin lora tama ona ba prei'odu dalimak, liuhosi *Surat Keputusan Mahkamah Agung RI* nú: 95/KMA/SK/V/2018, lora 17 fulan Maiu tinan 2018. Ho akreditasaun ida ne'e PMN hetan fiar husi *Mahkamah Agung* hanesan instituisaun ida ne'ebé fornese formasaun no fornese Sertifikadu ba Mediadór sira iha Indonézia. PMN mós membru fundadór Asian Mediation Association ne'ebé hala'o tiha ona formasaun kona-ba mediasaun iha nivel internasionál.

- b. Katak **PARTE DARUAK** nu'udar instituisaun independente ho papél atu promove Liberdade Imprensa tuir Lei Komunikaun Sosial, Timor-Leste, Númeru 5/2014, artigu 44; (*Jornal da Republica, Série I, No: 39, 19 de Novembro de 2014*)
- c. Katak **PARTE SIRA** iha espirtu hanesan atu promove liberdade imprensa liuhosi fortalesimentu institucional iha área mediasaun;
- d. Katak **PARTE SIRA** idaidak iha kapasidade atu fo tulun ba konseitu entendimentu ida ne'ebé fo benefisiu ba malu atu promove mediasaun;

Tetu ba pontu hirak iha leten, **PARTE SIRA**, aseita atu halo, asina no hala'o Nota Entendimentu **KONA-BA FORTALESIMENTU INSTITUSIONAL NO DEZENVOLVEMENTU REKURSU UMANU IHA ÁREA MEDIASAUN**, ne'ebé tuir mai temin deit Nota Entendimentu, ho nia rekezitu sira tuir mai:

ARTIGU 1

INTENSAUN NO OBJETIVU

- (1) Nota Entendimentu ida ne'e halo ho intensaun atu utiliza rekursu hosi **PARTE SIRA** atu promove mediasaun;
- (2) Nota Entendimentu ida ne'e halo ho objetivu atu asegura serbisu hamutuk ne'ebé metin ho konsiderasaun ba karakter ne'ebe diferente no kompleta malu hosi mandatu no responsabilidade **PARTE SIRA**;

ARTIGU 2

ÁMBITU

Ámbitu hosi Nota Entendimentu ida ne'e:

1. Fortalesimentu Institucional ne'ebé kobre:
 - a. Edukasaun, Formasaun, Estájiu serbisu iha área mediasaun
 - b. Peskiza no dezvoltimentu Rede Serbisu
2. Atividades seluk tuir kna'ar prinsipál no funsaun **PARTE SIRA**.



ARTIGU 3
IMPLEMENTASAUN

- (1) Implementasaun Nota Entendimentu ida ne'e teknikamente sei regula iha Akordu Serbisu Hamutuk ida ketak entre unidade teknika ne'ebé deside husi **PARTE SIRA**, ho kaer ba Nota Entendimentu ida ne'e.
- (2) Akordu Serbisu Hamutuk ne'ebé temin iha pontu (1) nu'udar parte ida ne'ebé lá bele fahe hosi Nota Entendimentu ida ne'e.

ARTIGU 4
FINANSIAMENTU

Nesesidade finanseira hothotu ba implementasaun Nota Entendimentu ida ne'e sei sai nu'udar kustu no responsabilidade **PARTE SIRA** no/eh fontes finasiamentu sira seluk ne'ebé legál liuhosi formulaun teknika, proposta no akordu hamutuk.

ARTIGU 5
PERIÓDU

- (1) Nota Entendimentu ne'e validu ba durante tinan 5 (lima) hahu hosi loron ne'ebé **PARTE SIRA** asina no bele hanaruk, muda, hafoun, eh hakotu ho akordu eskrita hosi **PARTE SIRA**.
- (2) Ajustamentu no/eh mudánsa ba Nota Entendimentu ida ne'e halo nafatin fó atensaun ba pontus no prinsípiu sira ne'ebé konkorda tiha ona entre **PARTE SIRA**.
- (3) Se Parte ida hakarak atu muda, hanaruk no/eh hakotu Nota Entendimentu ida ne'e, Parte refere iha obrigasaun atu fó hatene tarde liu fulan 3 (tolu) antes.

ARTIGU 6
MONITORIZASAUN NO AVALIASAUN

Monitorizasaun no Avaliasaun ba Nota Entendimentu ida ne'e hala'o periodikamente husi **PARTE SIRA** minimu dala 1 (ida) iha tinan 1 (ida) nia laran no/eh bainhira nesessariu.

ARTIGU 7
DISPOZISAUN SELUK

- (1) Disposizaun sira seluk ne'ebé seidak regula no/eh seidak regula natoon iha Nota Entendimentu ida ne'e sei regula liuhosi akordu entre **PARTE SIRA** ne'ebé sei hakerek iha mudansa (*addendum*) ida ne'ebé sai nudar parte integral hosi Nota Entendimentu ida ne'e.
- (2) Nota Entendimentu ne'e sei la hamenus kn'ar, funsaun no responsabilidade **PARTE SIRA** nian.
- (3) Nota Entendimentu ida ne'e remata eh nulo tuir Lei bainhira iha legislasaun eh Politika Goveru **PARTE SIRA** ne'ebé la fó dalan ba implementasaun Nota Entendimentu ida ne'e.

- (4) Mudansa ne'ebé karik mosu hanesan mensiona iha pontu tolu (3) iha leten sei hato'o kedas liuhosi karta eskrita ba parte seluk wainhira senti no hatene katak iha mudansan ne'ebé fó impaktu ba Nota Entendimentu ida ne'e.

ARTIGU 8

TAKA

Nota Entendimentu ne'e halo iha kopia 2 (dua) iha Lian Indonézia ho Lian Tetum no asina hosi **PARTE SIRA** no mos sai baze legál no kesi **PARTE SIRA**.

Jakarta, 12 Marsu 2019

PARTE DAHULUK,
DIRETUR EZEKUTIVU
PUSAT MEDIASI NASIONAL



AHMAD FAHMI SHAHAB

PARTE DARUAK,
PREZIDENTE CONSELHO DE
IMPRESA DE TIMOR-LESTE



VIRGÍLIO DA SILVA GUTERRES